



• EDITORIAL • RÂL VÊNGTU

- » ASSAM MISSION FIELD CHURCH COURT HAWN A NI
- » RENGTEKAWN BIALAH SEMINAR
- » SOCIAL FRONT NGENNA

RNI 68092/83

From

Synod Literature & Publication Board  
Synod Office, Aizawl - 796 001  
Mizoram. Phone: 0389-2324590

# SYNOD *Newsletter*

Volume XXXVII No. 8

E-mail: [synodnews@gmail.com](mailto:synodnews@gmail.com) A man ₹1/-

AUGUST 2022

## LÂWRKHAWM

### DAKTAWR BIAK REM A NI

Dr. Lalremmawia, MD (Medicine), Bethesda Hospital-a mi chu Synod Hospital pui tûrin biak rem a ni a. Hetiang hian Synod Hospital a pui thîn ang:

1. Tûk tin ICU, NCB, Pi Pui In leh ward dang a tûl apianga damlo tlawh.
2. Kâr tin Nilaini apiangin dâr 9 am-2 pm chhûng OPD-ah a thu thîn ang.
3. Thla khatah Inrinni vawi thum, damlo en tûr awm chhûng chu OPD-ah a thu thîn ang.

Dr. Lalremmawia hi June ni 29 aţang khân OPD-ah a thu tan a, damlo en pawh an tam viau a ni.

### TUILIAN TUAR TANPUINA

Barak Area tuilian tuarte tanpuina atân Aizawl khawpui chhûng kohhrante hnênah Mizoram Synod hmingin vehbûr khawn a ni a, kohhran 117 aţanga thilpêk ₹18,95,585/- dawn a ni. Petu kohhran zawng zawng chungah Mizoram Synod chuan lâwm thu a sawi a. Cachar DC Relief atâna ₹8,00,000/- lo pêk tawh bâkah ₹10,95,585/- hi Barak Area chhûnga kohhran mi, tuilian tuarte tanpui nân Barak Area hruaitute hnênah hlan leh tûr a ni.

### PASTOR QUARTERS HAWNG

July ni 7, 2022 (Ningani) khân Bairabi Pastor Quarters thar chu Synod Moderator Rev. Dr. Vânlalngâka Râltein a hawng a, Pathian hnênah a hlân nghâl. Pastor Quarters sakna hmun hi Bairabi Kohhran ram a ni a, Pastor Quarters sakna atan hian an pe a ni. Bairabi Bialah hian kohhran 11 leh dânzawhkim 1,903 an awm mêk.

### ZIN

August ni 4-9, 2022 chhûng khân Delhi-ah Trans-World Radio (TWR) India Committee hmangin Dr Robert S. Halliday, Synod Office Superintendent chu a kal.

## ASSAM MISSION FIELD CHURCH COURT HAWN A NI

July ni 30, 2022 (Inrinni) chhûn dâr 12 khân Assam Mission Field Church Court chu Rev. Dr. Vânlalngâka Râlte, Synod Moderator-in Satribari Church, Guwahati, Assam-ah a hawng. Synod Moderator hi Rev. H. Remthanga, PCI Executive Member leh Rev. R. Lalhmingsânga, Synod Mission Board (SMB) Secretary-ten an tawiawm a ni.

Church Court hawna inkhâwm hi Synod Moderator-in kaihruiin thuchah a sawi nghâl a; Rev. Billy H. Lalrinchhana, Field Secretary-in Field chanchin tlangpui a sawi a; SMB Secretary Rev. R. Lalhmingsânga Church Court chungchânga hriat tûr pawimawhte a sawi a; zaipâwl pahni - Satribari (Guwahati) Kohhran Zaipâwl leh Dibrugarh Bial Zaipâwl an zai a; Rev. H. Remthanga'n malsâwmnain inkhâwm a tîn a ni. Inkhâwm bânah hian Field Office kawtah Synod Moderator-in monument a hawng a, chumi zawhah Church Court hawn lawmna ruai an kîl ho nghâl a ni.



Inah Rev. Zosângliana Colney, Executive Secretary, Mizoram Synod-in a lo hawng tawh a, a kum 14-naah Church Court hawn a ni ta hi Field tân leh kohhran tân hmasâwnna pawimawh tak a ni. Tûnah hian Pastor Bial 4 awmin, kohhran chungkua 493, kohhran mi 1,448, Presbyterian Kohhran hlang awmna chhûngkua 340 leh inawm pawlhna chhûngkua 153 an awm mêk a ni.

He hunah hian Field chhûng hmun hrang hranga thawktu leh kohhran mi 900 vêl an tel a, thawktute pawh damlohna leh harsatna bîk nei mi tîem tê tih loh chu an kal kim vek a ni.

Assam Mission Field hi March ni 12, 2008 khân Guwahati Mizo Kohhran Biak

## RENGTEKAWN BIALAH SEMINAR

Rêngtekâwn Pastor Bial Inkhâwmpuiin a rêl angin, Bial huapin kohhran inrêlbâwlna leh rawngbâwltu nihna leh mawhphurhna seminar/retreat chu ni 30.7.2022 (Inrinni) nilengin hman a ni. Chawhma lamah kohhran inrêlbâwlna (Church Administration), Rev. Lalbiaknia, Editor SL&PB-in a sawi a. Chawhnu lamah 'Rawngbâwltute nihna leh mawhphurhna' Rev. R. Lalnuntluangan a sawi a. Bial chhûng kohhran aţanga kohhran hruaitu leh rawngbâwltu mi 84 an kal. Inrinni zân aţanga Pathianni zân thlengin resource person-te hi kohhran hrang hrangah thusawiin an kal a ni.



# SYNOD Newsletter

## EDITORIAL STAFF

Rev. Lalbiaknia  
Rev. V.L. Luaia Hranleh  
Upa K. Lalnghinglova  
Zohmingliana Colney

## Editorial

### PUITU ƧANGKAI

*Pathian hruaina dawngin August thla kan lo chuang kai leh ta a, a lawmawm hle. Kum 1972 Synod Inkhawmpuiin a rel angin, Wales ram atanga missionary lo kal hmasa ber Zosaphluia (Rev. D.E. Jones) Mizorama a lo thlen ni hriat reng nan August ni 31 hi Ramthar Ni atan kan hman ta zel a ni.*

*Mizorama missionary lo kalte kha an chhuanawm hle a, an rawngbawlina leh hnathawhte a ropuiin, malsawmna chhiar sen loh kan dawng a ni. Kan missionary-ten rawngbawlina hlawhtling tak an neih theihna chhan, Pathian hmanrua pawimawh tak chu – anmahni puitute kha an ni, a tih theih ang. An langsar lo va, an chanchin kan hre thui hek lo; nimahsela, kan missionary-te ang bawka Ƨangkai an ni.*

*Khasi ram atanga lo kal Kristian, missionary-te Ƨanpuitu, heng – Rai Bhajur te nupa, Awmia nu, Siniboni, Sahon Roy leh mi dangte khân Zosapte rawngbawlina an pui nasa hle. Missionary kan tirh chhuahte leh kan kohhran hruaituten rawngbawlina hlawhtling tak an neih theih nan, kohhran mipuite hi puitu Ƨangkai kan nih ve a Ƨul tih i hre reng ang u.*

**MSSU TRAINERS TRAINING:** July ni 22, 2022 (Zirtawpni) khân Mizo Sunday School Union (MSSU) chuan Synod Conference Centre, Mission Vêngah MSSU Trainers Training a buatsaih a, Aizawl khawpui chhûng bial tin atangin mi pakhat theuh an tel. Trainers Training hi kum 2006 leh 2012 khân riak lûta buatsaih a ni a; kumin hian hripui lèn avângin ni khat chauh hun hman a ni.

**LAY LEADERS RESIDENTIAL TRAINING:** Synod Multipurpose Training Centre (SMTC) buatsaih Lay Leaders' Residential Training wavi 215-na khârna leh Graduation Programme chu July ni 22, 2022 (Zirtawpni) khân SMTC Hall-ah hman a ni a. Tûn

tumah hian Presbytery 8 – Ramlai, Tuivawl, Lunglei East, Lunglei West, Tuichangrâl South, Tuirini, Sakawrhmutuai leh Chhimchhak Presbytery atangin Kohhran Upa 27 an tel a ni.

**THAWKTU THAR:** Synod Service Board chuan July ni 22, 2022 (Zirtawpni) khân Mizoram Christian College (MCC)-a Contract-a thawk tûrin Teaching Staff 10 leh Non-Teaching Staff 2 a la thar a. Hêng lâk tharte hian August ni 1, 2022 khân an hna hi an zawm. Lâk tharte chu:

#### Department of Mizo

1. Lalremruati Ngente  
d/o Rochungnunga Ngente – Kawrthah Vêngpui

#### Department of Political Science

1. Dr Vânlalpâri  
d/o Vânlalrova (L) – Mission Vêng

#### Department of Commerce

1. Aileen Malsawmdawngi  
d/o K. Lalremruata – Chhâtlang
2. Lalmuanpuii Vârte  
d/o Vânlalfaka – Ramhlun North

#### Department of Management

1. Lalawmpuii Khiangte  
d/o Dr Rothangliana – Chhinga Vêng
2. Vânlalngûri Hmâr  
d/o Lalropuia Hmâr – Kulikâwn

#### Department of English

1. Dr Hannah Lalhlantpuii  
d/o Dr. Vânlalthlana (L) – Ramhlun South
2. Lallawmkima s/o Zaithankima Miller – Khatla

#### Department of Public Administration

1. Dr Jacob V.L. Awmpuia  
s/o Hrânglûta – Zotlang

#### Department of Sociology

1. Lalhruaimawii  
d/o Vânlalbêla – Bawngkâwn Shalom Vêng

#### Office Assistant – Library

1. K. Laldinpuia  
s/o K. Lalthakima – ITI Vêng

#### Laboratory Assistant

1. David Vânlalpêka  
s/o T.C. Zadênga – Ramhlun North Biak In Mual

**SMB HNUAIA SIKULTE RESULT A ƧHA:** Synod Mission Board (SMB) hnuai sikulten HSLC Exam Result, 2022 tihchhuahah result Ƨa tak an nei. SMB hnuai hian HSLC nei sikul 18 a awm a. Chûng sikul atang chuan zirlai 625-in exam an bei a, First Division with Distinction-ah 33, First Division with Star-ah 44, First Division-ah 224, Second Division-ah 230, Third Division-ah 51-in an pass a, pass percentage chu 98.07% a ni. Pass vekna sikul 5 a awm bawk. First Division with Star hi Assam Board leh CBSE chauvin an siam. Tûn dinhmunah Field hrang hranga HSLC nei sikul zât hetiang hi a ni: Home Mission North-ah 2, Home Mission South-ah 2, Barak Area-ah 4, Karbi Anglong-ah 3, Arunachal West-ah 2, Assam-ah 1, Arunachal East-ah 2 leh Tripura-ah 2.

**RESIDENTIAL CHOIR CONDUCTORS TRAINING:** July 26–29, 2022 chhûng khân Synod Worship Committee (SWC) chuan Synod Conference Centre,

Mission Vêngah Residential Choir Conductors Training wavi 26-na a buatsaih a, mi 74 an tel.

SWC buatsaih Zai-pawl Conductors Training-ah hian kohhran pawl dang mi tel ve duh an awm chuan lawm taka teltir thin a ni a. Tûn tumah pawh hian IKK, BCM, ICI leh Presbyterian Church of Myanmar atangin mi 5 an tel a ni.

SWC chuan Zai-pawl Conductor Training hi kum 1995 atang khân kum tin a buatsaih thin a, kumina mite nen mi 1,064-in an zir chhuak ta a ni.

**SYNOD CAMPUS MINISTRY:** July ni 23, 2022 (Inrinni) khân Synod Campus Ministry buatsaih, 'Tleirawl Ƨha – kohhran leh ram tan' tih thupui zir hona 'Symposium' chu Saitual Chhim Vêng Kohhranah hman a ni. He hunah hian Tuivawl Presbytery huam chhûnga Pastor Bialte – Saitual, Keifang, Sihfa, Mualphêng leh Saitual Chhim Vêng huam chhûnga Pastor/Minister-te leh kohhran aiawh mi 87 an tel a ni.

**KRISTIAN NAUPANG LITERATURE CAMPAIGN:** July ni 17, 2022 khân Tuikual Kohhranah Kristian Naupang Literature Campaign hmangin Tv. Zohmangaiha, Asst. Editor leh Pu Eric Lalnunmawia, OA-te an kal.

**PUANTAH ZIR TURA LAK THARTE:** Hêng mite hi Women Centre, Phunchawnga puantah zir tura lâk tharte an ni:

Hming	Pa hming	Kohhran	Bial
Lalnuchhûngi	S. Mânga	Luipui	Silchar Mizo
Chinremsiami	Khenzakhupa	Hrianghmun	Teikhang
Lalmudiki	H. Zathanga (L)	Chhinga Vêng	Chhinga Vêng
Lalmingsangi	Vânlalchuana (L)	Vaivakâwn VT	Vaivakâwn
Lalngaihuali	Benamina	Phûdungsei	Phûdungsei
		Vêngchung	

**RINGTHAR ZAT:** Kumin 2022 June thla thlenga Mission Field hrang hranga ringthar nei dân hetiang hi a ni:

1. Arunachal & Assam Mission (East).....	32
2. Arunachal & Assam Mission (North).....	25
3. Arunachal & Assam Mission (West).....	67
4. Assam.....	66
5. Barak.....	98
6. Delhi.....	115
7. Home Mission North.....	49
8. Home Mission South.....	96
9. Jharkhand.....	318
10. Karbi Anglong.....	86
11. Calcutta.....	1,022
12. Lucknow.....	108
13. Nepal.....	64
14. Odisha.....	115
15. Patna.....	90
16. Siliguri.....	283
17. Tripura.....	656
18. Masihi Sangati.....	5,019
<b>Belh khâwm.....</b>	<b>8,309</b>

### CHANCHINBU LAMNA TUR

**Kristian Tlangau, Kristian Naupang leh Synod Newsletter, Synod Office atanga la thintan Synod Office chhawng hnuai berah lâk thin tawh tur a ni e.**

# Râl Vêngtu

Pathianni chawhnu inkhâwm bâng, mi eng emaw zât hi Râl Vêngtu vênbûkah an lo kal a. Râl Vêngtuin khaw dang hawi lêk lova a hmaa TV a lo en ngar ngar hi an va hmù a, mak an ti hle a.

Mite chuan, "Râl Vêngtu, engtiziaa TV ena i thut reng le? Boruak a muan-awm a ni ang maw?" tiin an zâwt a.

Râl Vêngtu chuan, "Khâwl thar ka lei a. TV ni lovin, CCTV a nih hi. Biak In leh a hung chhûng leh khawlai hmun tlêm teah a thlalâkna ka vuah a, ka la vuah belh zêl ang," a ti a.

Mite chuan, "I thlalâkte chu min lo entîr teh, kan hmu ve chak e," tiin an dil a.

Râl Vêngtu chuan a CCTV-a thlalâk lo lang chu a entîr ta a. Biak In hung chhûng hi a'n hmet chhuak a. Inkhâwm tan hun tpepa Biak Ina luh la tum mai lo, titi khâwm te; Biak In luh dâwna sahdah, khaini hmuam, kuhva eia Biak Ina lût zui ta mai te an lo lang a.

Biak In chhûng a'n tilang leh a, muthlu an tam hle a, a then chu vanvadâkin an âng phuau bawk a. Thusawi ngaithla lova phone lo khawih/bih ngar ngar lai te leh mi dang nêna inbe ru char char te hi an rawn lang bawk a.

Râl Vêngtu chuan kawthlêr pakhat hi a'n tilang leh a, ruihlo (No. 4) chêng zanga man, chêng za leka tlâwma zuar te; tleirâwl tê tê, mi hmuh loh lai chuha lo che khawlo lai te leh thil dang dang hi a rawn lang a.

Mite chuan, "Râl Vêngtu, Biak In leh a chhevêla kan nungchang leh khawlaia kan tu leh fate nun dân hi kan lo va hre pha lo êm! CCTV a tang chuan a lang Chiang hle mai si a," an ti a.

Râl Vêngtu chuan, "CCTV camera hi office-ah te, hotel leh restaurant-ah te, khawpui dai kawngpuiah te ka la vuah zêl ang. Naupang leh thalai nun chauh ni lovin, mipui insiam that tûlzia te hi in la hmu Chiang telh telh ang," a ti a, a CCTV chu a off ta rih a.

**SYNOD PRISON MINISTRY RAWNGBAWLNA:** July ni 16&17, 2022 khân Lawngtlai-ah District Jail tlawh leh Prison Ministry District hruaitute intuai tharna hun hmanpuiin Rev. Lalhmuchhuaka, Director leh Pu Lalrempuia, Speaker-te an kal. August ni 7 khân Central Jail-a rawngbawl tûrin Rev. Lalbiakhliira, Evan. Vânlalhriata leh One in Christ-te an kal.

## SYNOD HOSPITAL, DURTLÂNG THILPÊK DAWNTE (June, 2022)

### I. CHARITY FUND

- |   |            |
|---|------------|
| 1. Khatla Pastor Bial Kohhran Hmeichhia                                     | ₹ 70,000/- |
| 2. Phûllên Vêngthar Pastor Bial   | ₹ 30,000/- |
| 3. Leitan South Kohhran Hmeichhia   | ₹ 20,000/- |
| 4. Lungdai Kohhran  | ₹ 6,000/-  |
| 5. C. Lalpêka, Durtlâng Dawrkâwn  | ₹ 3,000/-  |
| 6. Zohmun Pastor Bial Kohhran Hmeichhia                                     | ₹ 5,000/-  |
| 7. Biate Pastor Bial Kohhran Hmeichhia                                      | ₹ 5,000/-  |
| 8. Hnahthial Pastor Bial Kohhran Hmeichhia                                  | ₹ 2,000/-  |
| 9. Vânzau Pastor Bial Kohhran Hmeichhia                                     | ₹ 5,000/-  |
| 10. Kolasib Hmâr Vêng Pastor Bial Kohhran Pavalai Pawl                      | ₹ 5,000/-  |
| 11. Tlungvêl Vêngthar Pastor Bial Kohhran Hmeichhia                         | ₹ 5,000/-  |
| 12. K. Lalhmangaihzuai, S/N, Synod Hospital                                 | ₹ 2,500/-  |
| 13. Khawlailung Pastor Bial   | ₹ 10,000/- |
| 14. Pu Vânlalhriata, Bûngkâwn Vêngthar, Aizâwl - An inneih kum 28-na pualin | ₹ 30,000/- |
| 15. Pu Zodinliana, Mission Vêng   | ₹ 1,500/-  |

### II. GRACE HOME TANA PETE

- |   |           |
|---|-----------|
| 1. Elite Drug Store, Bara Bazar, Aizawl - Susp. Bio-caine 30 nos leh Calamine Lotion 24 nos |           |
| 2. Chhiahtlâng Pastor Bial Kohhran Hmeichhia  | ₹ 5,000/- |
| 3. K.T.P., Sialhâwk Pastor Bial   | ₹ 5,000/- |
| 4. Y.M.A., Dâwrpui Branch   | ₹ 5,000/- |

### III. THISEN PETUTE

- |   |             |
|---|-------------|
| 1. KTP, Vaivakâwn Vêngthlang Branch         | Unit zât 31 |
| 2. YMA, Republic Vêng, Branch, Aizâwl       | 54          |
| 3. STP Chhâtlâng Branch, Chhandamna Kohhran | 9           |
| 4. KTP, Leitan Pastor Bial                  | 49          |
| 5. KTP, Zêmbâwk North Pastor Bial           | 64          |

### IV. THIL DANG PETUTE

- Durtlâng Pastor Bial Kohhran Hmeichhia - Hmunphiah 200.
- YMA, Dâwrpui Branch - Mitthi kuhna puan 20 leh Lassi case 1
- ENF, Durtlâng Unit K. Ward tân tingtang tha tak
- Electric Vêng Kohhran, Aizâwl - Committee Room dawhkân hlui chei that nân ₹27,000/- min peksak
- Ramhlun East Kohhran Pavalai Pâwl member 36-ten hnatlângin Committee Room dawhkân hlui 15 min siam thatsak
- Green Hills Enterprise, Aizâwl Vênglai - Carry Bag 50 kg

### V. PAWISA DAWN ZAWNG ZAWNG : ₹ 2,15,000/-

Sd/-  
(REV. R. RAMDINMAWIA)  
Chaplain, Synod Hospital, Durtlâng

## SOCIAL FRONT NGENNA

**1. SYNOD CHARITY STORE:** Synod Social Front chuan mi rethei leh harsa zâwkte tanpui kawnga kohhran mipuite inphalna hi tangkai taka hman a nih theih nân Synod Charity Dâwr hi kum 2016 a tang khân a siam a. Synod Charity Store-a dah tûr hian kohhran hrang hrangah an thawmhna leh bungrua, la tha lai, an hman mamawh tawh lohte la khâwm tûrin ngen thin a ni a, chûng chu Synod Charity Store-ah hian man tlâwm tein zawrh thin a ni. Mi harsa zual leh chhiat tawkte chu a thlâwnin pêk an ni bawk thin. Tûnah hian Synod Charity Store hi hmun hnih - Zosâpthara Building, Mission Vêngah leh Vaivakawn Kohhran in, Synod Bookroom bulah siam a ni a. Hei hi mi tam takin an chhawr tangkai mêk a. Mi harsa leh mamawhtu tam zâwkin an chhawr tangkai theih nân kohhran mite inhriattîr zêl tûrin kan ngên e.

**2. UPATE IN:** Khawvêl hmasâwn leh changkâng zêlah hian mi tin mahni hna leh eizawna kawngah kan buaiin, mahni in lumah pawh kan awm hman ta lo a ni ber a. Chuvângin, chhûngkuua nu leh pa leh pi leh pu, mahni in chhûnga khawhar taka awmte tân inkawm hlimna hmun siamsaka, taksa, rilru leh thlarau lama hma an sâwn zêl theih nâna enkawl leh tanpui hi Synod chuan tûlin a hria a. Kum 2016 a tang khân Upate In chu Synod Conference Centre-ah hawn a ni a. Upate Inah hian kum lama upa, la lêng chhuak peihhote an rawn lêng khâwmin an inkâwm hlim ve thin a, TV leh an tâna infiamna hmanruate dah a ni a, an chhûn thingpui in tûr te siamsak thin a ni bawk. Upate In hi kum lama upaten an hman tangkaia, an inkawm hlim ve theih nân kohhran mipuite zau zâwka inhriattîr zêl tûrin kan ngên a ni.

**3. RAMNGAW, NUNGCHA LEH TUIHNA HUMHALH:** Synod Social Front Committee chuan, kan ram dinhmun thlîrin ramngaw, nungcha leh tuihna humhalh kawngah mipuiten tan kan lâl zual zêl tûlin a hria a. Synod Social Front Committee chuan kohhran tinte leh kohhran hnuaiia sub-committee hrang hrangte pawh an theih ang anga ramngaw, nungcha leh tuihna humhalh kawnga tan la zual zêl tûrin a ngên a ni.

Executive Secretary  
i/c Synod Social Front, Synod Office, Aizâwl

**SYNOD PRISON MINISTRY-IN THILPEK DAWNG:** July thla chhûng khân Synod Prison Ministry chuan hetiang hian thilpêk a dawng:

- Luangmual Kohhran Pavalai Pâwlin Synod Prison Ministry rawngbawlina atân ₹20,000/- an pe.
- Chhiahtlâng Kohhran Pavalai Pâwlin District Jail, Sêrchhîp tân thutthlêng (Bench) 6 an pe.
- Armed Vêng Bial Kohhran Hmeichhiain District Jail, Armed Vêng tân tingtang leh thawmhna an pe.



### KOHRAN JUBILEE SAWMNA

Khawhai Vênglai Kohhran chuan September ni 5–7, 2022 chhông hian an kohhran din champhaphâk vawi 25-na (Silver Jubilee) lawm an tum a. He hun hmanpui tûr hian an kohhrana lo lawi tawh zawng zawng leh bialtu Pastor leh Pro. Pastor lo ni tawh zawng zawng an sâwm a. Sâwmna lehkha hmu lote pawhin hei hi sâwmnaa pawmsak tûrin an ngên a ni.

### DARLAWNAH ZAI HRUAI TRAINING

Zai Hruai Training pein July ni 13, 2022 khân Tv. H. Lalhazuala, Music Instructor leh Pu K. Lalhmangaihazuala, Ainâwn Vêngte Dârlâwnah an kal.

### CKTP ORIENTATION & RETREAT

July ni 14–16, 2022 chhông khân Central KTP hruaitu tharte puala buatsaih thîn Orientation & Retreat chu Synod Multipurpose Training Centre (SMTC), Mission Vêngthlangah buatsaih a ni.

### SANDE SIKUL ZIRTIRTU TRAINING PE

July ni 16 khân Thuampui Vênglai Kohhranah Sande Sikul zirtirtu training pein Upa Dr Lalhmachhuana, Upa V. Lalrindika leh Upa B. Lalmunliana-te an kal a. July 23 khân Reiek Bialah Pu H.K. Hmingthanzuala, Asst. Co-ordinator leh Upa Lalrosângâ Kâwlni leh T.Upa Lalthanchhônga-te an kal baw. August ni 6 khân Sesawng Vêngthar Kohhranah Pu H.K. Hmingthanzuala, Asst. Co-ordinator leh Upa Lalrinawma Râlte leh T.Upa Lalthanchhônga-te an kal a. August ni 6 vêk khân Ramhlun Sports Complex Kohhranah Naupang Sunday School zirtirtu training pein Pu Lalhmunzauva Tlau, Asst. Co-ordinator leh Upa Zionpârlâwma leh Upa C. Lalbiaksângâ-te an kal baw.

### KRISTIAN CHHUNGKAW CAMPAIGN

Ni 6&7.8.2022 khân Sialhâwk South Kohhranah fanau enkawl (Kristian Chhôngkaw Campaign) leh Ruihlo leh HIV/AIDS Awareness Campaign hmanpuiin Upa Dr Lalrintluanga leh T.Upa K. Lalêngzâma-te an kal.

## SYNOD BOOKROOM REDUCTION SALE 2022

Covid-19 hripui vânga kum hnih chhông buatsaih theih tawh loh, Synod Bookroom Reduction Sale chu Bookroom Headquarters, Mission Vêng, Aizâwlah July ni 4, 2022 zîng dâr 9:30 khân Rev. Dr Vânlalngâka Râlte, Synod Moderator-in Pathian hnênah hlânin a hawng a. Hemi rual hian Aizâwl khawpui pâwn Branch zawng zawngah a hawna hun hman a ni baw.

Reduction Sale hi Mizoram Synod hnuai Synod Bookroom Branch leh Distribution Centre zawng zawngah buatsaih a ni a. Sale chhông hian lehkhabu leh stationery item zawng zawng za zêla 5 aţang 80-in a man tihhiam a ni. Reduction Sale hian July ni 16 thleng a aw h a. Sale chhông hian ₹2,43,32,633 zet lei chhuah a ni a, Reduction Sale awm tawh zawng zawngah lei chhuah tam ber tum a la ni.



## SERCHHIPAH FG&CC BUILDING

### THAR HAWN A NI

Sêrchhîpa FG&CC Counsellor Quarters Building thar chu Rev. Dr Vânlalngâka Râlte, Synod Moderator-in July 16, 2022 (Inrinni) khân a hawng. Quarters hi sq.ft. 1,824-a zau a ni a, pindan 12 a nei. A sak nân ₹34,97,571/- sên a ni. FG&CC, Serchhip Centre hi mi 1,632-in an pan tawh a, kumin bîkah mi 196-in an pan tawh baw.




## SYNOD MODERATOR KAL CHHUAKE THUCHAH TLANGZARH

July ni 28, 2022 (Ningani) khân Synod Literature & Publication Board (SL&PB) lehkhabu chhuah thar, **Synod Moderator Kal Chhuakte Thuchah** (Synod Moderators' Valedictory Sermon), revised & enlarged chu Rev. Dr Vânlalngâka Râlte, Synod Moderator-in Devotion Room, Synod Office-ah Pathian hnênah hlânin a tlângzarh. SL&PB chuan kum 1981 khân 1933–1980 inkâra mi zawng a lo tichhuak tawh a, kum 40 hnuah 1933–2020 hi la khâwmin chhuah that leh ni se, tia rêl a nih angin tihchhuah a lo ni leh ta a ni.

He lehkhabu hian Assembly nih lai aţanga Synod nih hnuah Moderator mi 79-te thuchah a awm a. Kum 1933–2020 chhông hian hmuh zawh loh 9 a awm (1935, 1936, 1937, 1941, 1943, 1945, 1950, 1957, 1964). Kum 1933 hma lama mi pawh ziaka dah a nih loh avângin hmuh tûr a awm lo a ni.

Moderator kal chhuak thuchah hi mi 63-in an sawi a, Moderator-a ţang nawn mi sawm an awm baw. Moderator Valedictory Sermon hi kum 1957 thleng khân Moderator inthlâk

dâwnah rorêlna hmunah an sawi mai thîn a; kum 1958 aţangin Pathianni zanah an sawi ţan a ni. Moderator-te hian a hun lai kohhran nun mila thuchah an sawi thîn bâkah, kohhran hrang hrang an tlawh chanchin an sawi thîn avângin lehkhabu ţangkai tak leh hlu tak a nih a rinawm. He lehkhabu ₹350/- man hi Synod Bookroom Headquarters leh Branch hrang hrangah lei theih a ni.



## SYNOD NEWSLETTER-IN MAN A NEI TA

SEC 297-na (June ni 7–9, 2022)-in a rêl angin, Synod Newsletter hi copy khat ₹1/- in a man bithliah a lo ni ta a; a man erawh chu Synod-in a pe zêl ang a, kohhran chhôngkaw tinah a hma angin a thlâwna sem zêl tûr a ni ang. Synod Newsletter hi postal registration tih nân chanchinbuah a man chuantîr a ţul vang leh, Newsletter lei duhte tân a man bithliah a ţul vâng a ni e. Synod Newsletter chhuak apiangah a man hi târ lan zêl a ni tawh ang.